

Uunga siunnersuut:

Uumassusillit sananeqaataasigut kingornuttagaasunik isumalluutit iluaqutigineqarnissaannut akuersisummik qinnuteqarneq, tassungalu atatillugu oqartussat suliamik suliaqarnerinut aningaasartuutit akilerneqarnissaat pillugit Namminersorlutik Oqartussat nalunaarutaat

Uumassusillit sananeqaataasigut kingornuttagaasunik isumalluutit tamatumunngalu atatillugu suliniutit pillugit Inatsisartut inatsisaanni nr. 3, 3. juni 2016-imeersumi § 9, imm. 6 aamma § 14, oqaaseqatigiit pingajuat naapertorlugit aalajangerneqarpoq:

Akiliisussaataasut

§ 1. Uumassusillit sananeqaataasigut kingornuttagaasunik isumalluutininik iluaquteqarnissamik (iluaquteqarsinnaanermut akuersissut) qinnuteqartut nalunaarut manna malillugu akiliisussaataapput.

Qinnuteqarnissamut piffissaliussaq

§ 2. Piffissap akuersisummik qinnuteqarfigineqartup ulloq aallartiffissaa kingusinnerpaamik sapaatip akunneri arfinillit sioqqullugit, iluaquteqarnissamik qinnuteqaatit Naalakkersuisunut nassiunneqassapput.

Imm. 2. Piffissap akuersisummik qinnuteqarfigineqartup ulloq aallartiffissaa sapaatip akunnerinik arfinilinnit sivikinnerusumik qinnuteqaatit tiguneqartut, Naalakkersuisut suliarissallugit itigartissinnaavaat.

Iluaquteqarnissamut akuersisummik qinnuteqarnermut akiliutissaq

§ 3. Iluaquteqarnissamik qinnuteqaammik tunniussinermi qinnuteqartoq 8.000 koruuninik akiliuteqassaaq.

Imm. 2. Akiliutip akilerneqarneranik uppersaasat Naalakkersuisut tiguppasuk, qinnuteqaat § 2, imm. 1 malillugu Naalakkersuisunut tunniunneqartutut isigineqassaaq.

Akiliutit qaffasissusiinik naleqqussaaneq

§ 4. Procentimi aaqqiissutissatut allannguummut naapertuuttumik § 3, imm. 1-imi akiliutip qaffasissusaa ukiumoortumik januaarip aallaqqaataani naleqqussarneqartassaaq.

Atortuulersitsinermik aalajangersakkat

§ 5. Nalunaarut 1. april 2026-mi atuutilissaaq.

Imm. 2. Nalunaarutip atortuulersinneqarnissaa sioqqullugu qinnuteqaatit tamakkiisutut Nalaakkersuisunit nalunaarsorneqarsimasut, malittarisassat manna tikillugu atuuttut malillugit suliarineqassapput.

Namminersorlutik Oqartussat, ulloq xx. xxxx 2026

Naaja H. Nathanielsen

**Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut
Naligiissitaanermullu Naalakkersuisoq**

/ Jørgen T. Hammeken-Holm